

Հետաքրքրական է այն, որ եկեղեցում դեռ պատարագը չսկսած բոլոր տներում ճրագ են վառում:

Միև առաւօտեան Քրիստոսի սուրբ մկրտութեան ժամերգութիւնն սկսուում է շատ շուտ և աւարտուում է առաւօտեան շատ կանուխ, որից լետոյ քահանաներն սկսում են տնօրհնէք մանգալ:

Ջրօրհնութեան հանդէսը, ինչպէս ամեն տեղ, այստեղ էլ կատարում են վայելուչ հանդիսով պղնձէ ամանների մէջ և ժողովուրդը մեծ ջերմեռանդութեամբ խանւելով՝ օրհնած ջուրը տուն է տանում ամաններով և պահում ամբողջ տարին և գործածում իրրև դեղ ու դարման:

Ծննդեան շաբաթւայ ժամանակամիջոցին տղամարդիկ շրջում են տները և միմեանց շնորհաւորում.— «Ծնորհաւոր ըլի ծնունդը և մկրտութիւնը Քրիստոսի», որին պատասխանւում է.— «Օրհնեալ է մկրտութիւնը Քրիստոսի», ապա թէյ են խմում և կերակուր ուտում:

Տեառնընդառաջ* Փէրիացիները հայոց այդ կռապաշտական Հետաքրքրական հին սովորութեան «Մըբընդէզ» են ասում: Այդ օրը երեկոյեան նորափեսայները մի-մի հատ մօմ վերցնելով գնում են եկեղեցի և ժամերգութեան ներկայ լինում: Ժամերգութիւնից լետոյ, նրանք եկեղեցու ջահի մօմից կպցնում են մօմերը, դուրս բերում և հէնց եկեղեցու հաշտում ցախից (վառելիք) խարոյկ կազմելով՝ կպցնում են եկեղեցում վառած մօմով և ուրախանում: Այնուհետև գիւղականները կրակից վերցնելով տանում են իրենց տները, ուր ցախից խարոյկ կազմելով՝ կպցնում եկեղեցուց բերած կրակով. ապա երեք անգամ ցատկում են խարոյկի վրայով և զւարճանում, իսկ կրակի մօխերն ածում են հաւատուներ,

* Հայերը հեթանոսութեան շրջանում մեծ տօներ ունէին, որոնց հետ սերտ կապած էին ու տօնում էին մեծ հանդիսով և ուրախութիւններով, և որոնցից բաժանելը հեթանոս հայերի համար դժար էր. ահա այդ հանգամանքն ի նկատի ունենալով Քրիզոստոմ Լուսաւորիչը՝ հեթանոսական մեծ տօների տեղ որոշեց տօնել Քրիստոսի կեանքի նշանաւոր դէպքերը. այսպէս, նա Տեառնընդառաջի տօնը որոշեց տօնել Միհրի տօնի ժամանակ: